



明文海卷四

餘姚 黃宗羲 編輯

賦丁王都知州
國事四

其中文淵閣賦 顧清

昔我文皇之統萬方也稽往古遵舊章攬衆維提要綱
謂六典之分雖倣於周禮而百揆之總實自於唐虞或
合而分或約而詳蓋不可無樞機之總疇咨之良也乃
眷斯顧禁垣之隅乃崇傑閣翼彼宸居錫文淵之嘉號

擢臺坡之碩儒職論思於九重贊元化于中樞維官曹
之未彰實名體之隱如此其大略也若乃其地則日華
之右丹鳳之東重門側啟複磴中通長廊後帶而龍矯
層城對起而繚虹非密勿之有闕蓋不得以闕乎其宮
其中則有石渠之秘金匱之藏殷周訓誥洙泗典常班
馬之所叙述賈董之所鋪張奎光壁耀照乎虹梁其
前則有玉階珉砥仰接俯延文杏敷錦碧雲連錢瑤臺
植和鼎之卉銅池分並蒂之蓮承雨露之先及各獻巧
而呈妍其為制也邃密高閎沈深肅清黃扉豁其前敞

白間竦以通明案有朱墨庭無訟爭希夷乎紫宮逍遙
乎玉京邈風雨之何及時仙韶之遠聆乃有臯夔之輦
稷禹之倫大冠長劍鳴玉垂紳坐于兩楹敷帝猷而演
皇墳萬機倚以裁決庶績賴以經綸則有大官供帳天
府竒珍湛恩渥禮眷我儒紳至於睿思時凝事資訪逮
中貴傳宣東朝賜對日度晷而徐還步金扉而緩退其
或金根戾止玉輦幸臨略等級于堂陛咨失得於古今
每先過而陳善亦隨時而獻箴或都而俞或吁而弗言
皆可書動鮮有慝此則建閣以來累朝之盛節也嗚呼

漢開金馬賢俊雲蒸唐啟學館士誇登瀛徒取技于雕
蟲尚無闕于大經然猶耀簡策熙鴻名而况地兼乎木
天之重名並乎鳳池之榮酌元氣以運四時敷王言而
令庶正宜乎萬事於此理萬化于此成而陶冶乎其中
者又可闕於頌歎也於是拜手稽首敷陳其槩而系之
以歌曰五雲蔥蘢黃閣崇兮東壁流照光燿空兮維
帝伊佐志浹道同兮政于此成民物豐兮有隆自今垂
之無窮兮

漢宮春曉賦

徐世溥

孝武皇帝既感子虛上林之事元光四年春晨游後
宮意動趨駕召司馬相如為賦相如進曰臣鄙人未
覩宮中之實所稱雲夢上林徒意為之且夫子虛烏
有又何足為天子道乎必不獲謝昧死請得縱觀宮
中于是上詔宦者導從相如著籍得縱觀宮中三日
既罷賜洗沐一月賦奏天子稱善傳示宮中贈遺累
萬以相如為郎其辭曰
夫何春輝之窈窕兮澹喬兮乎依人被陵原以殊姿兮
草木寤而懷新超逍遙以入宮兮歷阿閣而詎尋颺遠

近其同芳兮善翩翩以窺衿搖壁璫之參差兮羌孰辨
其笙琴聞彼燕趙之嫵麗兮徂四序于閒深維風雨之
增歎兮既頽思于柔袖曰明月其猶可想兮窈獨悲樂
夫旭日之初臨始昭藐以睨慵兮若含笑而流波繼躑
躅以少進兮逞嬉顏而愈和遂偃蹇而狎人兮鑿旂旒
之垂羅射網戶以返照兮璐階頽而生霞灼未央之崔
嵬兮馭娑騎虹以駕梁欒杙與發越兮竦犀虬而虛
翔躋披香以經蒞若兮金鋪艷何煌煌兮煜十門之寶釐
兮青熒下上而連光曄先晞西盤之灑露兮遂左陰而

右陽于是鷓鷯罷舞交鶯變散鐸傳長信鐘殷承明周
廬競闢輞若雷霆錦衾迴夢綺幄齊驚恡餘温而戀枕
兮欣初照而俄興怡擬悵悵淑態無方始然揚眄光在
屋梁苑香入幕蔓影侵牕潛理私束盥飭明妝脩鬟鬢
摘領裳端歌宜否纖悉審詳亦有宿倦未解獨弛珠簾
薄裝舊襦幽靚自然。藜紈匪澣媚鬢從偏就庫闔以
仍憇兮拭曼睫而猶睇紛敏緩之異性隨衿懈以殊妍
爾迺颺霧縠鳴璆珮拂琳瑯步容喬違洞房踐瑤砌乍
相見吐蘭蕙詢宵夢之若何兮論新飾之同異則有光

秋擣素乘旦漱裳懸練擬瀑搓帛疑霜或篝絃于針綾
眇凝睇以抽思卒經夕之條蕊相栖翦之所宜誰與奕
者遠識綦縠織手稱敵並坐皇英云誰穉笑禎草群嬉
角多行罰秘異為私乃有連袂出遊三五為曹或俯銜
檻或眺雲霄攝裾防冑揄袖迎飄故匿叢弓譖侶乍隔
葉兮相招同有望而期造惜綦履以擇蹊遵微行而容
與漾深竹之羶颺忽烏莞爾倩頰橫春折柔艷翳華簪
鏡清沅澹宜人乃賦香粒有鳧鴛振鷺暴羽孔雀賓
暘馴禽就食蠟香成行忘調飢之炳兩兮綽解泰以相

佯當日之班櫛泚之餘肅趨長樂溫室渠、雕檐開曙
煥若神居白髮嚴藹姪娥侍梳悵盤桓歷諸殿瑞闈盡
開昭陽特掩見庭燎之遺燼知和壘之流宴揚愴悅以
自憐哀芳煙之未散若乃絃桐既憚匏管繁興新謠競
奏閔、嚶、淒若離鴻應霜汀雖若鳳戲兮雲中鳴蕭
若微風灌木挾蛩吟諧若雨澗潺湲雜松聲聞之者莫
不洗漾溶滂渺、怍、故能使曉日為之緩午而浮雲
不生也或佻徭以巧笑或僂、而姍舉或莊凝以正色
或愔嫺而恬嫻莫不音度旋日停波之曲影貯桂棟杏

梁之宇細腰臆理鉛粧萬千離宮別館三十六所羗為
樂之多方兮諒難得而備數也亂曰盛年深宮淹家莫
兮晚晚桑榆去人遠兮春迴鮮榮如夢覺兮萬戶箏謳
樂莫樂兮一人承恩兮群翠頰光激灑兮愁人心宮闕
崢嶸兮日下遲鳥負影兮昭陽飛楊裊煙兮蠶吐絲宮
中春兮春不知

河清賦

有序

胡廣

永樂三年春正月癸卯高平王平陽王奏禹門津黃
河清朝臣歡動以為皇上聖德所致進表稱賀皇上

謙抑弗居未幾秦王暨山西守土之臣亦皆來奏見
者謂其清如碧玉洞鑿毫髮既而成五色經三旬有
二日漸復其舊稽之載籍黃河千年一清聖王之大
瑞而五色者尤瑞之大者也恭惟皇上以至德之聖
作配天地廣運神化瑞應之來適當其期臣叨陪侍
從幸覩茲盛事宜有紀述以傳送將來其辭曰

蓋聞洪河之水通銀漢而直下介箕斗之微茫繞崑崙
而奔瀉歟潛行於地中忽渙發乎重野景如汲海之長
虹勢若馳岡之迅馬驚湍騰逝悍波衝射競千雷兮砰

淘聞萬壘兮呼咤泥沙兮悠揚羗晝夜兮不舍方其
道積石厯龍門下砥柱逾孟津出半無際漂乎無垠臨
萬頃兮漭濘折九曲兮云渾想夫浩々湯々堙塞未疏
濟深未從淮泗尚瀦滙四隩而為壑襄高陵而為汙豎
九川兮滌源九州兮既別拯蒼生於墊溺免斯世於魚
鱉惟六府之孔脩賴胼胝之偉烈嗟形容于允翁諒一
葦之可越逮乎周道既東文武益遠清庶其翱翔方叔
去而不返葛藟興綿々之詠尼父有已矣之嘆至若瓠
子載決宣防既歌下淇園之綠篠沉美玉於滄波恒汨

汨兮混濁或弗齧兮盤渦曾未識其安流胡能有於盈
科誦逸詩兮俟清嘅入壽兮幾何信不可以驟得必以
待夫時之泰和爾乃禹門中闢磧石礪礪洪濤不興一
碧千里若人間兮天上渺余視兮行逝式同觀乎渭濱
儼浮游於湘芷澄靚兮泓渟混漭兮灑灑鄙鴨綠於漢
江陋苔青於淮涘澹玻璃兮洞射凝雲母兮毋滓風冷
冷兮吹淥漪天晃朗兮映漣泚繁飛鳥兮白鷗數遊鱗
兮鱸鮓山倒黛兮染翠嵐拖練兮成綺嬌激灩兮按藍
堪薦潔于明水朝陽升兮澱彩盪夜月照兮鏡光洗紛

揮霍兮五色乍紆徐而忽駛寔元氣之融會而發榮光
於此乃有黃耆居河之澹睹翰濤而瑩徹為盛世之休
徵爰以告言聞于紫宸無小大而咸喜騰遐邇之歡
維聖人以上致四海兮隆平霽仁恩兮汪洋洽寰宇
兮皆春萃諸福兮畢來沓衆瑞兮駢臻所以天儲其精
地闕其靈而千載之嘉應實有待于聖明乃謙抑而弗
居遜膚美為曷勝蓋功愈大而心愈小道彌高而德彌
弘視夫平成之績亘萬世而同稱者也猗歆聖皇允協
神禹稽河清之致祥翳寥兮前古撫金人而徘徊摩

銅狄而容與求有並美於今日亦湯漣而莫嚙泛星槎
以尋源聊逍遙兮銀渚俾之冥兮先驅訪往跡于河鼓
雲冉冉兮斯征路迢迢兮遠舉憇鵲橋而孤吟睇層霄而
延佇瞻珠闕之崔巍聆群仙兮夜語謂聖皇兮達孝克
繼述於太祖纘洪業兮率舊章靡毫髮兮爽軌度誠於
穆而不已全睿智與文武天茂錫兮純祉浩々穰々兮
繁聚粵鴻荒兮世々河之清兮今始覩於以闡皇猷之
精微隆子孫無窮之祚彼漢唐之偶值又奚可以比數
輶元々而無知將以告夫下土義和忽以啟駕宵曠隴

兮欲曙靈續、兮既遙擊余兮袂來下扶雲漢之昭回
挹九天之湛露披琅玕以自呈造金門而獻河清之賦
於是為之歌曰河水兮清漣聿應期兮斯千年聖皇御
壺兮德配天於萬億祿兮福祿綿、

放鳧賦 周是修

洪武丙子春仲之月陛下憇乎東城之臺環羅俊彥
咨詢古先既而有進水鳧百餘翼者色毛鮮華群匹
和輯悠然興夫不忍之心俱放於濠觀其始則紛、
烏少則濺、烏俄而並舉翀逝於是覽春光之舒遲

樂物性之得遂怡、如也愉、如也召奉詞臣周是
修賦之臣感夫君德之至仁及庶類敢不奉敬休命
再拜稽首賦曰

猗茫、之堪輿兮胡萬類之紛敷維水禽之衆美兮盛
莫盛于鷺鳧雖群游之無算兮非定耦而弗居泛波濤
之浩渺兮樂滄洲之遠夏藉軟莎而安眠兮弄絳萍而
閑泳潁其趾而丹凝兮縞其襟而玉映性於物而不枝
兮恒恣情乎煙沙孰虞人之曾識兮羌潛羅而忽加愛
毛質之綺麗兮遙將獻乎皇家繫予皇之仁德兮當覽

春乎崇臺體陽和之生育兮澹冲融而舒懷適筠籠之
跪進兮絢晴光于文繡既彬、而戢羽兮亦肅、而並
味啟予皇之良心兮敕俱放手金濠始依、而泊淺兮
漸翺、而升高交迴翔而返顧兮若感恩而不捨徐種
蜚乎雲霄兮遺餘音乎鉅野何皇心之惻怛兮由親、
而仁民由仁民而及物兮秩先後而有倫豈睿鑑於往
古兮寔誠中而形外思高下與洪纖兮期並育而不悖
唯好生而惡死兮人與物其同情何至德之昭明兮舉
一視而同仁觀夫若商郊之祝網兮暨中山之放麋於

禽獸犹有所不忍兮矧於人而違之尤異乎華陰之黃
雀兮終啣環而報施抑嘗聞江濱之白龜兮先伏篆而
朕祺善予皇之深慈兮澤旁沾乎微物念蒼、之生靈
兮曷非辜而有忽嗟群鳧之何幸兮脫萬死於斯須遂
重登於遠廓兮從心性之所如歷漫、之河濟兮依漠
漠之江湖刷羽儀而再整兮顧儔匹而相呼縱物性之
或昧兮將天理之可憑粵作善而降祥兮同影響而足
徵匪麟趾之仁厚兮又烏致夫騶虞之蕃息願擴充乎
是心兮明刑政而不忒日揄敷於仁聞兮無一夫之不

獲諄曰尔鳧之生子仁君之恩倏離鼎俎兮翱于天門
東西無際兮南北無垠網羅交張兮矰矯相仍慎爾所
止兮全爾性靈毋或輕投兮暝渚寒汀庶永慰乎玉心
兮想遐征而孔寧盍啣圖而獻瑞兮逐韶鳳以來庭彰
予皇之至治兮發詠歌乎詞臣超間平於千載兮流無
窮之德馨

感宦籍賦 湯顯祖

今上丁酉三月予以平昌令上四年計如錢塘盪舟
長日篋中故有高士傳慨然尋覽之無存也童子故

以宦林全籍進予覽其書、官書名書地書號大若
麟角細若牛毛晰矣備矣反覆循玩亦可以奮孤宦
之沉心窺時賢之能事感而賦之曰

有平昌之令尹淹結課以孤羈偶猶夷而懊悵暫循求
於展披頗有仙班秘籙士品玄碑巾箱失檢記室忘携
既宦林之有籍豈童子之無知因而取御業已忘疲嘆
閱川而閱世何此書之可怡冠二京分列省之地界標
四季合匝歲之天時其地界也東綿遼掖西折涼舊北
淪代薊南盡滇黎控中軸于長安部河山而四維皆百

戰之所取豈一目之可縻署都官於南北擬周漢之東
西南簡曹而少務此備案而多儀外則邊遙其腹幹切
其支臺省於馬受使州群於馬稱知有斗僻以孤鎮亦
犬牙而交岐甫一逞以紀絕或三會而扼竒下至一尉
一候險如三毫三危有兼有特孰正孰裨莫不禹迹陟
于周官堯封攝乎漢威猶恨缺紀官于朶衛失請吏於
交夷其天時也遠則通急之殊其候推則例閏之譎其
竒秘館視三年之學內徵以四稔為規奏計侏優而或
殿報政當造而或稽卧疴者往來於浹歲予寧者去往

以彌暮或違將而往返或奄息之早遲第有聞其必鑄
鮮存止而闕疑覘邸報之日積直會計而改為是故日
曆終歲以猶把宦籍逾時而輒揮在近者摘新而賞實
市遠者豫舊以酬欺非春秋也筆削聖而竊取非易也
先後天而奉時之為義大矣惟名與器隨之嗟夫大
鈞寫物皇極鑄人物與無妄人生有真吾有身而易寵
世喪道而難貧是以羞其編戶榮乎縉紳然而布種詭
雜值候續綸幸者乃為公侯之子卿相之孫前書厥考
有階有勳後列環衛如官如恩托江河而猥大依日月

而常新不必學書學劍自然允武允文又若駙馬都尉一體天人在既富其何費獲至貴而無勤次則納貲而為郎亦以財而發身過此以往其勤可知矣清流之跡奮以文辭則必沒身乎藻綴噪吻于吟呶寒暑侵而靡覺骨肉怨而不辭至如羽林隸策倉門學醫吏人讀律中書臨池玄流理樂天文測璣莫不窮年渴晷立骨銷肌彼殆胡為乎爾誠亦有所用之又其甚者作奸犯科知無不為跂榮分僂迂平取竒皆欲爭毫釐于此籍之上附咫尺于半部之餘外有乘間抵巇能畫能棋微言

解頤說劍說詩日者狎客夜來秘師皆得遊大人以成名指旁流而借貲下則緹騎惡子前魚弄兒一則如軀如豺一則如帚如脂無足比數何所覲睨然而物有所至事不可知買功爵於攫金之後乞告身於枕袖之時經營衣錦踐躐綦絲在主爵而無斬咤剗以何遺第云為之則是敢曰文不在茲嗟夫天下亦大矣仕入亦夥矣有鳳凰之官則必有蟻虱之使有金玉之英則必有糞土之士巨海葦龍蚌以鋪文太華搃松榛而繞翠散之人有十等合之天無二日天其平也不平人則不

明文海 卷四 三
一也而一不平謂何有一有多有終身於帝所有絕望
於廊阿有十年而不調有一月而累加有微歌而輒振
有一蹶而永蹉有弱冠而崢嶸有白首而婆婆有受萬
金而無譏有拾片羽而為瑕有擁糴于華羨有投牒于
荒厓有提醮而擬方伯有守郡而無建牙有贍僮客而
鳴豫有絕父母而勞歌有長孫曾而襲珪有鬻子女而
還家有上壽而賜尊有自經于幽遐麗風者衍言笑而
加翼絕津者罄號咷而靡槎浮時者隨俯仰而皆妙失
志者任語嘿以無佳徒使墨守者視此書而失據捷聞

者指是刻以嚴誇智愚勇怯於斯乎盡銳貧富侈嗇于
是乎交賒細則鑽如蚊蚋大則據若蛟鼉緩則穆如墁
筮急則慘若鉞邪親屬之榮悴以此人身之軒輊匪他
何必者舊傳而特筆人物志以編摩第登名於仕版若
陟嶽以盈科有規有矩如琢如磨諒有朝其必市想無
臣而不波乃有揚休山立籙戚駘駘姓名舛詭爵地參
差鸞視虫其一粒豹覺鼯以隨窠苟有懷而未瞑總奔
命于旁羅是故謁選則咳成雷雨議汰則委若泥沙地
貴則聯之以雲錦命賤則等之以風花至消詳于品列

蓋撫卷而增嗟名理疇而屬售功勤將而盜夸等竒節而抑真並文林而采華然則茲籍也蓋有朱紫異質淄澠同和者矣迨其甚也且有人焉巧若窮竒昧若渾敦名可以冠楚杞貌足以鑄神奸物論之所必去茲籍之所獨存方災木而未已或閱季而彌尊亦有行若處子智若耆舊望足以壓折非是才足以獻替可否謂周行其必先視百爾而豈後比索名于右方復展轉而烏有或置無人之境或寄冗從之數冷之所以必灰瘴之惟恐不走彼拙效其常然豈削籍之所朽徒使頑弱之

人覽茲籍也耀其貴如得如驚黯其賤如失如玷懲死灰之不然慕積薪之所占名已沒其馬如貴及生而可艷損亢壯以和顏笑幽憂而委念然則茲籍也能使人采色飛舉道心沉亂可觸手而偶觀難淹神而久玩忽掩卷而固然吾亦多言之為幻矣

秋夜繩林賦

湯顯祖

嗟予肱之三折兮方髻亂之歲月我、病骨固難支兮又逢途之九折當春陽之新麗兮蘭茁其芽不使吐辭作醴兮呵筆出花而層冰飛霰兮敗其穎秀身藉荼蓼

兮材翰節芳憶昔十一讀易兮七年鬻革五經句讀初
 離兮左國文辭未析波平則園雞牧豕兮塵起則萍漂
 絮翻於是四民失據兮俯仰維艱冉、歲華兮三旬夢
 魂妻歿子殤兮聊糊口于村童蜩蟬蛙蛤聲中兮舌敝
 耳聾庚午水變兮開闢未際爾乃穿竄蕭寺兮恍然戀
 茲疣贅之未潰晝則山童四五兮授以三字夜則寂子
 繩林兮共茹囚山之味食則三投麥菽之饘粥兮已煮之碗
飯當暑熱時必蒸過一宿後而營、青蠅又玷其紅白
後投之為粥食者毫無米氣
 佐以瘠地之苦蔬兮反漬以衰殘之心血居則分僧寮

之咫尺兮乾蝸掛壁南山八月蒼葭兮逗引風霜東海
 三層白茅兮踈漏星日野蔓山葛驕而入室兮蕨筍蘆
 芽戢、而爭其餘隙蚍蜉遂爭國於檀槐兮蛙蠅窺天
 於坎井一几一榻兮曙而復暝敝帷落盡梅花兮月色
 融然故衾冰裂水田兮幽渚鷗眠每欲避愁於華胥兮
 恨春宵之犹永何夏夜之易明兮似獨迢、於孤枕俄
 而朱明告謝又值凜秋寸、衰州處、酸眸山閣、而
 欲寐兮溪瀨、而捫喉風鳴金鉄兮盡是商聲雲垂帷
 幕兮似悼窮愁萬感不召而自至兮都歸展轉之更籌

因思夫人自立於宇宙兮君與親之恩罔盍非致主之
伊周兮則安邊之衛霍雖束手而談王霸兮亦何忍視
斯時之民瘼苟時不吾與兮遂藏經綸於把握即若予
之廢人兮豈無翰墨之堪託乃悲嘆窮廬兮負千鈞之
家學洛閩姚江門牆徧宇宙兮歐陽傳經八代嗟哉戶
居餘氣兮兔園之耳目如芥是以鰥魚之目睫長炯
兮萬山之淒苦畢集試敷陳其百一兮已藤葛纏乎酸
筆初聞浙滙於風竹兮勢漸逼於奔濤波臣忽溝為絕
島兮冷炊火於昏朝天夢難醒兮獸搪突而禽踞斯山

雨之狀也温暑収潤兮秋風到襟初則舞幡幢而拂佛
火兮故紙愁吟繼而星河搖而欲落其或落葉敲窻兮
魂返雲山之夢宿鳥墜枝兮悲興三匝之音斯山風之
狀也着樹凝雪兮穿沙湧潮憶昔四載漁澄兮依々故
交今向空林兮分我半巢但怪夫近軒楹而帶秋兮入
筆墨而含騷斯又山雲之狀也山境逢秋兮意緒涼荒
茅苦竹之間兮贈以清光分清陰於禽藪兮落涼冷於
魚鄉於是茅簷遮影兮葦壁蒼々松竹書衾兮癯雀巢
霜斯又山月之狀也若夫寒蟬之吟也夏蟲忽值涼秋

兮翳槁葉而寄絲殺白雲清露生涯兮花爛花殘豈異
其鳴若為代寫心寒兮風中嫋、領彼餘清秋蛩之怨
也當夫寒澗捫舌兮露艸唳含爰有微物兮時斯酸咽
既不藉食於彘跡兮亦何恨何支干攪倦羽之眠鳥兮
警斷腸之定猿嗟予之涼行無伴兮何怪汝之多言至
於西月飛梁兮夜影向晨透惶殺於空境兮諸蠢蠢魂
如雲冉、兮不住蒼狗之群如風渡水兮豈滯藻川之
文硯爾一殺兮驚破耳提擬乘桴於二楞之海兮曙樓
起東方之白雲非鐘殺之叩曉半山無雲帶兮樹斂商

殺忽起悲音于遠塢兮互報霜清一到衰殘之耳兮感
生淒斷之更憶自破鏡離鸞兮十載衣單悼故孺之淚
痕重疊兮魂絕千山非砧響之擣夜半若夫循籬瘦菊
兮寒映曳汀蓉影堆堦敗葉兮焰分綴草踈螢鳥驚暗
月兮斷續雁離孤唳颺嘯空梁兮依稀猿斷三殺猛虜
怒嘯兮不寒而慄若鳥訴哀兮酸欲墮城佛影沉、兮
琉璃明滅梵貝寥、兮寒竿卒折騷魂召而不返兮雲
未斂而慘黯天亦老而滲沲雖然觀夫世之紅塵机巧
兮爭枯菀而着足譬彼海市浮山兮儼輝光之眩目走

炎趨熱兮兢自焚以待燼吁凍呵霜兮易暄涼於片瞬
自惟即無輒軻於盛年兮不過把玩於俄頃究亦何所
得兮難繫夫崦嵫之夕景憶前賢之流風兮山高而水
長思分雲而把茅兮高堂之大椿永芳置琴書之楚
兮摘堦上之薇芳挿萬卷之森羅兮波及乎性海之汪
洋觴詠於倍日之年兮亦有雲水之徜徉山中之清風
習兮乃有味於繩牀亂曰山淨林空水清泚兮迥出
雲霄無塵滓兮別開門戶亦云美兮時不我與託跡此
兮名賢風韻可翹企兮養老長幼翦蓬蒿兮雲水遨遊

同鳥履兮苾蒨蒼翠映蘭芷兮柏子清香妙沉水兮塵
世浮華猶糠粃兮

自任不...
 洋...
 是...
 方...
 平...
 世...
 已...

明文海卷五

賦

國事五

籌邊賦

沈鍊

餘姚

黃宗羲

編輯

粵有五陵遊客懷鳳翼之書挾魚腸之劍南步荆吳北
 登燕甸策馬居庸之關方輶上谷之塹捧心如星營目
 若電於是造塞上老翁而問焉曰伊昔高祖肇造區宇
 妥歡歸順縱其北處暨我文皇開拓土疆三犁虜穴徑

去銅梁此其驅中土之人搃夷酋之衆若六轡之馭馬
孰違余之空縱廼若已已之變則起侵凌之漸王振貪
而中搖喜寧狡而外眩震驚土木之川彈壓清風之店
然而邸王監國太傅提兵望翠華其既遠飛礮石以長
征遂使驕子狼奔胡雛鼠散慟哭成群殺傷過半三千
里外動覺無人五十年来不能窺漢此豈非今人之著
聞往事之昭爛者哉弘治乙丑魚臺不守遊兵六千連
臂而剖駸尋日警夷心浸猛炸子屍淹沙泉骨冷草塚
縱橫土堦不整誰生厲堦至今為梗由此言之夷狄之

勢不殊也昔何其衰而今何其盛中國之人不削也昔
何雄強而今何退聽願大人熟慮而籌其宜劇談而究
其竟僕將委心而從命矣老人越席而拜撫膺而嘆曰
嗟乎嗟乎廼者學士束筆笑涉兵鈴縉紳緘口不言邊
患何式容身之趣卑而憂國之心誕也不知天之生人
一體同氣性命之中萬物皆備是以黎庶有並生之仁
宇宙皆當為之事乾坤等上下之交日月煥君臣之義
普天均照有外有中率土胥歸無巨無細主憂臣辱上
安下利一家則父子之心常齊同舟則吳越之人共濟

故利有所不得獨專害有所不得獨避唐虞士師九官
交箴成周穆、三后協心伯益升而夏烈傳說命而商
霖一夫不獲則伊尹以為已罪六羽初獻則宣父之書
至今故告老而請討陳恒之逆作經而數稱小白之功
相魯而重揚夾谷之會獲麟而嘆吾道之窮是以為生
民立命為天地立極合中國于一人通萬古于一息古
之君子曷嘗以閨閣之奉自崇血肉之軀結策嗟忠孝
之道哀兮人懷私而自異視君父若途之人兮曾不滿
夫一睇榮寵汝其何為兮茂秋毫以介意想九重之皇

皇兮念中夜而不寐彼藐、方自營兮曰非余之所致
冀上帝之察九土兮惟懷忠蓋其有幾人嗟匹夫猶戀
主兮况纓紱之在身幸高位之難得兮日汲、以謀賢
感夫人之竭誠兮曾不顧百姓之流離有司斂財以結
納兮三軍救死而不暇自官方之多錯兮雖嬰孺猶挾
詐朝結納之有門兮夕遷轉之如響恒人不以為恥兮
訴親交而欣賞將無心而血戰兮士無力而効死要中
國之不適謀兮何夷狄之能盛客且無論公卿之議而
談將帥之略無先廟廊之言而定邊陲之畫可乎老人

曰事有本源物有紀綱不知先人何以安民不有內治
何以外攘周公思而白狼貢虞舜讓而河鳳翔蕭何內
調而淮陰之謀展魏相中協而充國之計揚亦有至難
知人之哲齊威檻管仲而未諳五伯之材桓溫遇王猛
而猶憶三秦之傑倘忠亮之不行雖岩谷之影絕彼朝
遊而夕叩願辭卑而禮厚若夫人之高翔等浮榮其若
臭弓旌招之不來况肯穴其圭竇椒胡有窮黃河猶漏
重益蹇連空增虛謬憑所為則恩惠不由其門從所言
則功名反出其右故千金而未罄衷情一言而輒生戮

辱得遇而組綬蟬媽失勢而形容蹙弱寧使生靈被塗
炭之苦無寧使門下隔當衢之軸寧使朝廷負四海之
憂無寧使寒士享一朝之祿此其病已成而為慮已熟
矣雖有將帥之材邊陲之計何由而矚哉客曰鹽鉄論
興文學議公卿之貴輪輿說成王成屈野人之對子之
言誠明矣然則今之為公卿者宜何如老人曰主上明
聖承天恭命道極精微德循中正深維社稷敬戒時行
矚尋小民憂心日兢警爾三公諭爾百辟禁中揮洒雲
漢昭回伏下傳宣雷霆赫奕誠濬發於九重迨風行于

八極曰朕夜分而不昧展中心之規畫俾小大之盡言
破虜酋於絕域孰高居而端拱寔睠恋於幽側臣子而
欺君父日視昭其何益天語琅々雲容厯々萬姓攄心
千官變色小臣聞之涕淚潛滴有君如此誰忍不力於
是誅怙慝之臣開債軍之赦構大將之材較團營之射
輸穀粟而東西選良材而日夜表率神明之風躬行玄
默之化恩不報而常施罪已刑而猶籍體堯舜之至仁
在伯鯨其猶借暨九載而方殛詎一朝而獲罷望庶幾
其改之何螻蟻之足跨欲招俊傑且安韓信之邪志重

循良豈昧王成之詐由此言之陛下不曾負人而人自
負於陛下凡今公卿保傅之臣率彼文武臺郎之士同
搢厥心各勵其志夙夜孜孜有死無二苟有利於社稷
吾何愛於髮膚苟有傷於百姓吾何畏於權貴聞一善
則同轂而推見一惡則并力而擊扶持國是有如日月
之明摘發群邪不讓秋毫之析賢才進而流俗迸公道
行而私交息如此者固陛下之所側席而思而百姓之
所延頸而軼者也以父事君何所不悅以家事國何所
不決竊有一言不踰四字科道者耳目之官吏兵者股

肱之寄耳目達而群枉昭股肱宣而百為治然後虎豹
奔命而入林狐狸望風而投穴貿遷轉則鑽刺而無門
售擠排則窺伺而無隙故許厯一言而破秦馮驩三計
而安薛包胥慟哭以成名魯連匹夫而伏節豈有五等
之風行而三軍之政闕哉將帥承指受而成功士卒感
溫醇而激烈若是而邊陲之地不守夷狄之患不息僕
則受妄言之殛不知者謂老生之常談其知者以為聖
人不能易且夫逐世議而衰興隨流風而披靡此其駁
乎不足議已固有豪傑之才高明之調仰屋梁而竄嘆

展往籍而悲嘯人士依其令散海內望其芳蹈然後徘徊
猶豫長慮却顧欲翱翔而斂翼幾高舉而促步蓋默
成以潛處不顯著其名譽諒深衷之有為但恐年歲之
欲去琴欲調則軫為之回病欲療則藥為之劑事荏苒
其日生法轉展其滋弊虜賊沃而不休蒸人渴而思濟
此老人之所拭目以流眄傷心而雪涕者也客曰本源
足而後枝葉生紀綱正而後法令行是則然矣迺若張
良著軍令別為三教任宏校兵律分為四種豈可仁義
而無節制恩威而無系統者欵角勇力則先技藝闔智

勇則尚謀猷與天則陰陽順與地則險阻脩故風后揆
握機之文太公垂金匱之鈞李靖演六花之陣趙德紓
九宮之籌此雖近而莫廢又何深之不求老人曰適已
言之詳矣世未嘗無技藝而不聞好藝技之士未嘗無
謀猷而不聞任謀猷之將迨孝文之拊髀各興心而慕
尚安得至公之言推擇有道之士築壇而重其名授鉞
而隆其意有閔閫外之言悉聽將軍之制受命而行仰
天而誓既已許國有不竭忠何異為賊然後合豪賢以
詢謀集參伍以宣令既三令而五申復周言而密訂將

有欺於三軍、有欺於百姓父不得而赦子愚不得以
讓賢賞不負心誅不奉命削成庶礪何殊百煉之剛照
破寒邪有若干年之鏡閔河奠定甲帳星稀烏鵲低回
轅門風靜威行秋霜惠流春陽保之如子視之如傷中
心貺之念投醪猶其外飾肝腸是布知挾纊幾於色莊
君祿無窮請謝苞苴之客臣心可鑒那愁萋斐之郎惟
愛人之一德無營已之多方欲得人之死力詎借生全
之厚欲破敵之精微烏辭訓諭之詳法無時而不練令
無往而不張仁至而後智全精專而後巧出惟神明之

有機詎戰攻之無術往軒轅之殷憂感玄女之答述發
揮至一之源推明變化之律從五人之初布積五、而
漸舒象常山之蛇勢結首尾而同樞由教明而方定遂
心合而志符起一元之精練壺億兆而不殊云此道之
非遠順自然以為居雖萬勝之無折亦一戰而有餘先
聖運之而出竒後賢因之而作適老氏演生三之文廣
生操得一之論計然托越嶠而智恢孫武藉吳宮而謀
奮鬼谷挾捭闔而說、黃公持牝雌而悶、雖孔門焉
不學蓋猶存夫冉求之問不見日月之相盪乎月掩日

而近恒以朔日掩月而遠恒以望故小人之攻君子也
恒以力而凌君子之攻小人也恒以智而放君子之於
小人則中國之於夷狄中國之勝夷狄以智而夷狄之
勝中國以力又不見人與虎之相競乎虎視人以牙爪
人搏虎以陷窞况中國之雄豪制夷酋之死命譬一丸
之在掌中誰復得而馳騁惟三代之盡善未嘗廢乎車
戰駕四牡之彭、被甲冑之雕煥肅先偏以後伍鬱魚
麗而鵠鶴閱衛青之武剛訊馬隆之鹿角載輜重以不
虞嚴周營而難薄相風雨而進退步原隍而前却隨險

易而能驅稱大小而斟酌昔李賢之議戎贊斯藝之詳
曲既揮霍其箭鋒又憑陵其馬足任彼勢之遠近由我
軍之行止藏火器之煌、鑄神鎗之齒、縱以九龍之
烟發以百鳥之矢上有無壺之將軍下有纏錦之細子
游兵翼出若九天之飛下伏兵漸發若九地之突起本
中堅之純一家部伍之經紀納謀士之如雲驅勝兵之
若水渾、淪、誰知八陣之門繩、縱、莫測五行之
理人、為伍、則同行馬則同隊車則同箱步兵禽散
各、為方車馬步以為三經竒正伏以為三緯星宿陰

陽明天之時山水剴柔察地之軌望遠知微有間謀之
所未詳隨機應變有圖書所未紀此則懸於一時之權
運於一心之妙參神氣之玄同齊臂指之相掉發之為
机權之宜存之為仁義之要知二物之不明而后明先
王之至道客曰此足明戰爭之略而未壺夫攻守之常
縱變化之膠轄雖千言其靡央騁辨博則枉靡乎丘索
競文詞則徒切夫宮商子何不於其制禦之恒理姑略
言其大綱老人曰善哉斯言僕若卷舌復將誰宣乃今
積弊相尋法令不一究其深患則在於入粟而轉輸調

軍而更出公有養軍之費而軍無受恩之實將有調兵之煩而軍無破敵之實所以致軍與民之文害而攻與守之兩失何為轉輸之弊飛輓千里憔悴萬夫出入之際吏緣為徂三十其鍾僅致一石樵蘇後爨士有飢色迨臨邊而給散有無方之虧爛屯田千粒歲破幾千軍士衣糧日銷過半稽勾則案驗難徵告奸則株連莫算又有公罰私科前催後呵脩邊晨起防邊夜過賊何時了腹何時飽居為纍囚行為餓莩憂苦日多歡娛日少借問邊氓幾人能老何為更調之弊生長東塢驅馳西

土一作軍夫長年愁苦恨別妻孥生離父母敵在何方戰在何所元日出征晦日歸處他鄉之亂我則何與暨其涉渡關河經過州縣望門投止窈席休倦婉轉則主者不容憑陵則閭閻積怨官軍一過雞犬皆愁客糧支而恨少馬草敬色而還偷挾少婦而逼辱持梁肉而強留信地將臨中心愁懼筋力已疲誰不猶豫官軍正來虜賊正去况其生齒日煩生計日促彼俺荅之梟豪挾吉囊之遺躅兼噶合之雄強濟打郎之螫毒多羅張拳畏吾頓足以要蛇行兀魯弒觸結合褚酋構和釋怨勢若

風雲烏合鳥散重兵壓境險易偏知細作乘虛物色難
辨東擾遼陽西侵寧夏南叩固靖北犯宣大而我東勝
不收河套遺憂右脫朵顏左遺建州西北疲于戰鬪東
南困于誅求致猖獗于九鎮本么麼之二酋累歲築邊
一棒可穿山林古木斬伐盡焉歌弓欲折羸馬不前形
勢未合魂魄先捐選鋒向道本用漢兒虜去五尺教使
射馳何獨吾民片甲不施倉皇窟廩束手無為則夷狄
何況而不勝中國何恃而不疲哉為今之計莫若及今
春融墾田勸農緣邊千里荒土無窮聽其開植任其播

春能興千頃之田者授以千夫之將能均一境之土者
令當一面之衝小大參差遠近齊同效公瑾之省餽法
李絳之置營規晁錯之募民塞下模重華之列徼西東
民不改籍軍不授糧公不起稅私不別倉噐甲自造車
馬自將內連堡落外接邊疆漸穿溝洫增設紅梁且耕
且練行戰行防鄉鄰即其什伍耒耜即其劍創擄寇者
即其私門之盜邊城者即其私室之牆家有給足人有
樂康妻孥連袂親戚合堂吹笙彈瑟烹牛炮羊貨產易
戀恩義難忘况有明訓忠孝結腸不同心堵絕欲去此

何方人心既籍經制遂密千人合堡十堡連柵夾以偃
月之垣伏以井欄之宅聯落不踈散援相值魚出遊而
並肩鳥將飛而比翼高山之下隱以絕壑並土之傍多
其間域棧礮石之頻巖培松榆而漸植既謹屬其風火
又多設其險阨一夫當關萬夫莫敵土著成兵屯田成
積民無怨嗟官無譴責此謂以中國而守中國乃有附
近之夷舊為羈縻之屬欲精心而撫馭令羈的之相逐
棄其往日之非示以將來之福譬蒐人之養鷹飲食之
而馴熟飽不致其飛揚飢不煩其躑躅亦逸擇其狡獪

頗牢籠其机曲密調遣之差池善話言之翻覆就我術
而不知窺彼奸其如燭散和好之日銷結怨讎而還讜
故陳湯驅烏孫以滅郅支班超假北敵以凌西域奉世
諭諸國以攻莎車耿弇連鄯善以摧河北彼夷心之易
猜終猶豫而狐疑一首酋之或亂即部落之易離本依
人以就食欲去此而難辭其有望風納款叩關請和便
煩省諭鬱絕未過必欲貢汝所有求汝所欲不用名馬
不煩寶玉但生係敵人之頭反縛賢王之足臨徼塞而
決胸向關門而剗腹我則計首馘而給繒因功勞而致

祿彼遠來而疾速我近出而遲迴彼紐勝而小翫我決
戰而大摧下馬卸鞍臨風鼓瑟輕車突圍反幟攻壁金
鼓雜殺旌旂亂色機以因生權由變得鎖鑰不開游刃
常擊賊徒倒戈烏巢自折折氣勢漸移風散暗易種類凋
零誰為我敵此為以敵人而攻敵人由是天子建中和
之極聖人垂參贊之功文章充蔚禮樂大同教訖於
四海仁恩洽于九重越裳之白狼盡入肅慎之箝矢方
窮太史作王會之圖史氏陳吉日之風極霜露之所隊
放舟車之所通頌率土之浩蕩配麗天之窮崇太平之

業盛王者之化隆遊神華胥訪道崆峒抱元守一體妙
思冲與二儀而並壽又何有乎喬松客乃援琴而歌曰
涉塞上兮寒霜河水流兮中央言連蹇兮有極道杳渺
兮無方鴻雁飛兮以北鳳凰鳴兮淒惻睽日月兮行邁
為夫君兮太息老人從而和之曰時不來兮安憂聊偃
蹇兮河洲縱心志兮恬愉橫八壺兮遨遊與鷺鶴兮為
群等富貴兮浮雲道之行兮有命寧惆悵兮夫君於是
相與陟眺高山盱衡積雪酌酒裴徊既醉而別

平陽武賦 李承箕

搜姦民以誅之兮在昔有言昊天曰嘻兮揚武亦民惡
固稔而改轍兮含羞惡其非人黃潦涵于日旬兮功清
流兮品物于秋露之成兮仰風日之與春佳種視同于
萑稗兮妨膏腴之如雲門塾坦道兮羗揖讓以佳賓肆
鉏斧之後時兮凝冠裳而荆榛飛之以鸞凰兮瑞之以
麒麟柰鶴鷗之夜鳴兮與豺狼之必仁性既染而膠固
兮擱滌靡及於白新瀾湧、而東去兮泡沫隨以紛、
昊天嗟吁兮慈敗子其何親母肆原以烈焰兮砭以收
珉母耀武以陵忽兮雲烏奚恃于開陳除斗帳之蚊蚋

兮拂几上之埃塵帥孰摠而令誰一兮八州都督之雲
孫透鋒銳以虜將兮曰惟倪君大懼恩怨以昧、兮訊
遠符于閭鄰先之以藩省兮繼之以獻臣汝罪不容于
死兮獄詞據其本真緇游對目以遊姬兮曾何云、曰
遺情豈珍重于一瞥兮城中綠鬢而紅唇弄彼諸美兮
月既圓而及辰綺窓高閣兮蘭麝交熏妖歌艷舞兮樂
與子勻執行道以咸詰兮汝曾我聞路東西而南北兮
汝衣襟之非村抑貿販而來往兮抑伺邏而遊巡信騰
口以喧、兮我何懼而奚嗔情不畏天人兮以螢爝而

凌晨閱棄宗祀予曾惜於大彘之身豈所傳之皆予
羌澆變于既淳唯虢將之清淨予張三面猶酸辛腰金
照胄予三品將門悠世德以停蓄予咸以烈而心溫罪
人斯百予權度而先存曰違天以黷武予計一時之勲
胡勉強以狗物予稱大將軍

昇平賦

丘雲霄

夫自桃谷迷津遺恨武陵漁父芝山允道流輟商洛碁
翁遂令後世耽情肥遯荐志陸沉者莫不屬心高潔景
止芳馨焉然予嘗讀高士傳及桃花源記未嘗不撫然

罷卷慨其所遭方嬴氏之亂天紀頽民生之如露晞
巖迅震法密凝脂當是時也搖首犯禁重足懷疑是故
智者逃名達人遠跡奮鴻舉而甘豕遊避危機而謝繒
及恐、鳥入山不深投林不密則其所以種朱桃啖青
芝放身長往與世相遺者乃其不得已也而又何樂乎
締觀其歌夷考其事則慨唐虞之世遠托深谷之逶迤
懷富貴之憂大甘芝艸以療飢率妻孥于絕境樂艸木
之無知世秦服而昧漢况魏晉之推移則其情可悲而
志固可識也肆今吾人忘日月以優游順陰陽而消息

夏葛冬裘倦眠飢食羸稚相保上下各適儉邊豆翁兄
弟靜琴御衍家室時賓四隣或束三益俯仰寰區讐論
今昔感兔絲于女蘿固纏綿而交結廛城郭以憇幽林
登壠丘而掃紅葉死徙同鄉桑麻連業樂彼逍遙順其
生滅夫所以獲此者豈無自哉當我皇明啟運萬姓攸
濟列聖建中四方來極文承武開漸仁摩義所以垂今
百有八十餘年重熙累洽林鳳郊麒麟烽寒斥堠兵寢潢
池民稼而饗婦桑而衣是以天下皞々四海和爰擊壤
于康衢忘鼓腹于帝力而曾莫知其故也昔者武成奏
功歸馬牛而士女束綏宣王復古歌鴻雁而流離安宅
夫當傾否亨屯之餘乃遂其室家胥慶之願則吾人于
久安長治之世而保其休養生息之樂者其相去亦已
遠矣况于草昧而引去者邪使後世有桃源翁芝山老
未必不自嘆惋而追賞吾人之遭幸也誕今享有諸樂
咸不自知因感而賦昇平焉

篇末陔字少傳為補

海不自以因風而翔昇平哉

未幾不自知時山道嘗吾人之意乎心

盡天賦才華相四化古昔明君女亦時

夫亦不自知時山道嘗吾人之意乎心

夫亦不自知時山道嘗吾人之意乎心

夫亦不自知時山道嘗吾人之意乎心

明文海卷六

餘姚黃宗義編輯

賦已

時令

續春思賦

徐媛

於時春也游乎江溪感條風之扇物悵萬之不齊

然興思援筆為賦昔龍門年少玉藻挾天鬱彼羈懷

綴茲高響既析字而成珠亦沉毅而當珮後有作者

吾無間然至於繡閣双鬟幽懷萬緒經春澗淚理非

一端得無有由欲吐之章俟後來之秀者予本恨人驚魂無定載成斯製廣寫幽憂可謂千古傷心一

時遙集者矣其詞曰

遊長流而進權駕日彩以浮梁雲濛兮分輕曳烟靄兮
兮微揚維時青帝司晨女夷節鼓鶯窈吳歛蝶翻趙舞
碎銀沼之萍花散玉樓之冰柱氣暖平原香繁別浦欲
流月姊之輝未值風姨之怒冶遊則拾翠採珠寄樂則
沉宮振羽嗟哀樂之致懸匪一理之可妍類卻傷于暮
暮序或撫心於綺年境何觸而恨淚何人而不泉若闔

外之殊慘羌難得而備宣也至如金屏椒壁綉栢瓊碼
若有人兮閉其中步徙倚兮私自惜簾捲水精枕由琥珀
風斜轉而火奩月孤生而照隙艷珠謝脣輕黃罷額池
桃空紫石苔長碧羊車過而塵香鳳吹繁而院隔何遊
絲之似繞更落花之如擲舜驚鴻其已緬慰真珠其奚
益乃天達之鳳子適月窺之烏孫三月雪飛萬里晝昏
星懸漠影笳折邊魂駭驚沙之無斷傷芳草之盡斃俗
侏儻其難接色蕪絕而不言登別館而凍雲集眺荒野
而苦霧屯羶御侍寢羶當殮臆中鷓鴣之觀夢裡蒼

龍之門睇故國兮無日知天子兮少息亦有少小容華
生來婉弱笑非蔡而群迷腰未楚而先約芳菲之而入
宮黨訛之其謠詠君意不自堅君恩俄已落修成之句
可糜新人之鼻幾斲鬼帝誰叩皇孫欲吸勢甚橈椎危
踰巢幕恒撫節而骨銷轉當春而神索別有便娟銅雀
妓漳水東來寫姿媚俱照渚而成蓮各臨風而拂翠窈
窕玉喉翩翩繡袂旋娟為之氣奪洛珣曰之色墜值君
王之未疲泊賓筵半醉態轉裾迴魂挑眼刺刺離閣黛
浮璫臺香膩守宮之血未乾辟寒之金爭餌痛尊酒其

寂寞空西度之歌吹駘蕩青陽悽馬雪涕况乃初歸瑤
鏡慣画青眉忽河閔其遐別邈烟路而安之琅玕結意
勺藥贈離舉邯鄲之翠袖泛蘭陵之淺卮君啼妾拭妾
臂君持孤舟尚儀短篷乍吹草縈情而磴礙柳帶恨而
而嬌垂寫素懷于石關申丹款於虞虞渭水波兮代咽
越為啼兮助悲故歡亮已矣良晤終何期及夫秦生赴
掾細君未從將千里而同子何二豎之由儂一則故廬
善病一則天涯浪蹤鐺茶又冷杵藥晨春錦衾橫而炉
氣歇華燈燦而樓影重憐琴心而別鸛如鏡背之蟠龍

夢遙尋而難寄書促往而忘封對此閑：鳩語灼：花
 茸何嘗不抽簪覺短約帶贈鬆予美止此誰適為容是
 以新光新氣新景新愁固千悲而一族亦異感而同憂
 莫不寄微情於湘女結幽恨於靈修豈與夫康娛漂瓊
 流連桂舟艷曲平原之第巧笑如臯之遊夜以繼日忽
 忽悠：者哉重曰菘蘋既已廣紅蘭亦已長浩空江兮
 無人邈予心兮愴况復鷓鴣兮先鳴撫歲華兮將往寧
 拔雲際之瓊枝不願河洲之宿莽有韓娥者聞此辭乃
 音而奏陽春之歌：曰魚洩瀟兮鳥綿蠻逝白日兮銷

朱顏蕩許春愁終不去解許春懷終不閑詎怨多而心
 死直歡飲而淚班欲知妾恨復誰是皺盡双娥不是山

臨蘭臯賦 徐媛

縱目平川襟英繽紛晴巒染翠蒸霞吐氛於時夷猶徙
 倚遐眺怡神鸞蕭咽夜鼉鼓喧晨尔乃倚楫俯流命酒
 賡詩黃鳥翻：白雲離：青萍軟葉碧柳綿絲遼西語
 燕武昌遊魚璇閨春暖玉塞寒舒滯行子於天涯望征
 人於絕域韞鷹决起牧馬肥澤煌：羽蓋隱：旌旗日
 華飄彩素月流輝林散紅桃水芳綠蘿斯時也或驅寶

馬而徊翔或駕瓊輪以遊嬉或邀靈於洛汭或紉佩於
湘湄鳴雕鐘於睢澤沸廣樂於咸池集有名賢坐無俗
侶群詭浪以抗高雲澹容與以遨川嶼桓伊之篳奏劉
伶之觴舉量溟渤以為酒衡泰公以為鷲羅萬象於瞬
息和造物於天倪極娛樂兮迎上春列遊駟兮來下里
或：蕩輕衣珊：揚雜佩望遙路兮驚春獨予情兮悲
涕有草兮萋：有鳥兮差池徑苔兮蕭瑟庭花兮離披
已矣哉春光媚兮秋螢飛春華燦兮秋露晞滄桑詎可
定綺羅無復依聊舒情以寄恨結長風以東歸

夢遊春賦 袁尊尼

夫何青春之熙蕩兮欣予情以遨遊指丹穴於城隅巍
棲鳳之高樓隱瑠闈以朱箔疏洞戶以碧鏤晴露燁其
可攬暖氣晶而若浮尔其征騷乍停闔扉徐啟花艷
一人草青兮千里字比英兮方新名取艾兮信美吐
鸚鵡之慧辭振翡翠之鮮羽瑤席紛其始設金尊終其
通行蕙肴烝兮陸海之珍產綠吹作兮蓬闈之清散流
盼於目擊狎笑語於心傾金母告予以好逑毛公謂予
以定情於時月中夜將半辭歌侶謝酒伴舉璇室之綃

帷拂象床之羅薦既抱持而喜當_亦逡巡而辭賤極繾綣
於茲宵重綉繆於申旦委微軀兮何言奉君子兮靡厭
若夫永晝安坐薄暮經門孟公之醒未解北海之筵已
醺日何日兮且快飲夕何夕兮復開尊則有姬姜通進
秦號偕臨發頰映彩蕙蘭接芬坐間：而成列情眇：
而各伸驟鷗絃兮激檀板理錦箏兮間綺琴舞結風於
阿_陽謳白雲於西崑夕陽下兮秉燭滴水歌兮逮晨終德
將而靜好謝衰態於翼喧尔乃收淫霖濯解景望別圃
而氣新步曲徑而目騁綺羅灼燦_兮桃李之韶顏金粉

繽紛兮逐蜂蝶之飛影芍藥采以贈予謂此妍芳之當
領促羽觴以勸酌紛盤餐之沓併隨坐臥而各適恣諧
謹之機穎藉綠草以為茵竟昏酣而度暝又或開霽閣
兮寫素臨晴窻兮題扇親拂几席獨侍筆硯點飛墨於
絳袿飄逸鬢於素面促曉妝而屢淹佇依：而結戀投
清言兮能_亦延靜賞兮可念至若新火迎候上巳屆期
導踏青之遺俗修板袂之故儀度巖城以容與駕香車
以逶迤雨花之高臺兮紅妝陟而獨眺叢篁之給園兮
翠竿傾而共紆曠臨風以舒寫追馳景以旋歸排邃館

而再入儼高晏之重披聊假息兮倦思夜未央兮何其
惟歡悰之蟬聯粹殫陳而錯莫獲兮日兮足以極乎三
春之娛况三月兮曾無間於一昔之樂願循膏於躡
徒覩慙於獲落游子經時兮不知其淹久畸人即次兮
靡覺其飄泊緬予生之何幸曠有美之難忘結長思於
知己牽遐想於衆芳鳳臺迥兮蕭韻悠秦淮森兮離歌
動恍春光兮何在悵游之如夢

哀春賦 錢福

夫何鷓鴣之早鳴促繁英以俱萎雖群芳之共惜嗟

國色之猶奇緬維梁園雪霽金谷賜悲阿房競艷步幃
夸靡迺有解語之紫芍協律之黃離露桃妖冶錯高標
於澗竹海棠孌娜噴餘香於江蘿梅萼妝漢宮之額龍
蜺幻褒女之姿羨飛燕於昭陽剪尾遊之詠鴛鴦於周
雅翠羽差差東皇之興方濃青鳥之信將返枕展兮黃
梁飯熟衾寒兮羅浮月滿巫女雲銷宓妃珮緩望雨陽
臺翳烟霧而莫尋凌波羅襪埋泥沙而誰浣香不聞兮
鴛簫寂莫挽兮鳳輦王媵去兮邊塚青回綠珠墮兮石
樓翠掩慨紅紫之昏溼悼西飛之匆縮意乍而忽綴誓

一逝兮忘轉於是遊人停轍主人覆栝山悽惋以色慘
水鳴咽而殺哀月荒涼兮舞榭草莽灌兮歌臺君山笛
歌弔娥皇之弗起廣陵琴止悵王孫之未來時撫檻兮
于或觸故兮裴回次河方注迂石以阻燎原方熾回風
以灰諒無竇之可入豈有緣而匪媒啟重閔兮拾遺鈿
而永慕隊九地兮誓同心之再諧亂曰珠沈玉殞玻璃
迸兮蕙謝蘭枯麝臍燼兮怨歡娛之不終信佳人之薄
命始芳妍而嫉寵六造物者之深病錢布寰區棹郎不
免於飢終輦馳永巷驂冠竟坐乎短俸邊笳再贖馬嵬

一盡知巫咸之難招仗少君而通問縱餘芳之勝初絕
殊根而蒂並絲縈兮分泥融看落紅之成空却寧惟以
無語僂禪閑之入定試援筆以哀吟續白老之長恨

楔賦 薛章憲

月朏^明生風恬日照修厥楔事聊張水嬉倚岸斗絕以噴
沫長河迤邐而連漪我酒既旨苾苾兮芬兮亦有嘉肴以
炙以燔烹魚擊鮮魚鼈而燔靈鼈逢之威鳳翻之螭頭
棹而輕矯鷁羽旆而高騫鴛鴦在梁鳧鷖在壘童冠雲
集僕夫雷奔艤楊柳之陂脍憩杞棘之墓門意行無尚

為樂無方爰除地以布席因流潦而汎觴乃歌乃舞乃
拔乃襮袒楊襟裾淋漓衣裳或撫掌以躡踞或攘臂而
跳踉或偃仰其側或櫻攘其旁酒力浥而陸沉分類投
醪於洪波栝既舉而流漸分類水于均堂舉柳州之故
事率蘭亭之舊章杯疾如駛衆樂如狂靡三爵而節雖
百觥而蕪荒既醉既飽言旋言歸匪依稀於卜洛亦庶
幾于浴沂豈湛樂之是從舍齊聖其疇依以永今朝樂
景物之容與未卜其夜恨林光之熹微已而返棹亦既
徹俎四簋更設六博再舉肴藪煮兮翠竹萌饋饕炊兮
赤梁秬歌鶴鳴之在陰咏鴻飛之遵渚清謳間發荃橈
斯弭日之夕矣瓶之罄矣三楫以上一笑而止

修禊賦

黃卿

維嘉月之昭淑兮慶昇平之豫休元已倏其依辰兮
拔濯躍其可修要草莽之莫逆兮恣談笑以綢繆有頎頎
不速以來兮荷衣蕙帶之緜緜霽雲拂其四浹兮條風
習之其燠柔言弭步于湄澳兮策扶老之刻鳩逢龐眉
之省田兮訝我行之焉求遯動樂之孔訓兮瞻夷猶于
芳洲山近郭以導泉兮閱之秩之其長流雖未比於名

川兮清淺適以盥漱平曰順時以解襪兮除穢累于洋
洋曠襟宇以騁望兮揖相祝以吉祥石齒之立波兮
聊浮泛乎羽觴藉檉楊之為幄兮潔野肴之我將傾蟻
醕之如甕兮復壘繼之椒漿菽遠採以充案兮左右芼
之芹香有起觀于檻泉兮或聆別派之從之試一壺之
泳下兮漂絳末之決蒲決葯弱水可紉嗅杜若之微芳荷
吐波之如錢兮辨荃芷之萌芒菴油之如各有得分馨
俯仰之徜徉余久滯於塵墜兮載滌浣於滄浪振衣啜
而忻忻兮朗誦盤銘之章粵茲楔之源迹兮稽隨波之

逸詩謂秦昭之金人兮殆論譎之競竒若溱洧之士女
兮彼淫詭之可嗤洛水盛集之罔節兮灞渭游觀之荒
嬉慨吾邦之過朴兮奚云飲核之非懿倚曾皙之超然
兮偕童冠以浴沂眷來遊之擇良兮咸溫溫而不比較
張弛之中兮豈厭之沉酣之為矧林澤之幽寂兮遠鄆
市之喧阗倉庚現之叢樾兮玄鳥珥其旋迴飄絮風絲
之曳之兮鷺鷥泂泗以相隨於奴儻蝦之上下兮萍藻
翠迷乎澳隈善飛潛之油之兮逢漁獵而阻麾賓辭觥
以詠歸兮恐華胥之晡睽願覩貞之靡瘡兮歲其游以

綏綏

[Faded bleed-through text from the reverse side of the page]

明文海卷七

餘姚 黃宗羲 編輯

賦庚

時令二

忻秋賦 有序 黃鳳翔

昔宋玉悲秋驚草木之搖落潘岳秋興悵四感之疚
心曠世同然况吟永嘆夫時序代謝如環無端哲人
達觀何地非適藉令嬰情塵網觸境生悲最爾微軀
寧堪摧剥僕江南鄙人也通籍明時閒居巖藪玩漆

園吏齊物之旨賡榮啟期帶索之歌兼之疆域既殊
風光自別良辰美景盡屬清秋娛意陶情正當斯候
爰作忻秋賦以倣反騷云

粵惟離德乘乾祝融厄職焯焯液金皎皎燂石慕層氷
而唇焦据櫺軒而汗赤織締綴纏重簞反側忽辱收之
騁駕睹斗柄之西衡金風噓兮薦爽淡雲分淒清滌朱
明之煩暑振大陸之商聲鷓啁啾而夜唱蟬蕭颺而晨
鳴時則柘猶司燧嘉禾棲畎薜蘿之裳方新芰荷之蓋
未偃波漾蕙葭庭匝苔蘚楓木歲舟荔奴盈樽大谷之

梨實似瓜漢市之槐綠如薤橘柚縮黃於千樹蕙蘭留華
于九畹動張翰之憶鱸哦趙嘏之倚樓川原宵霽紉扇乍
收江臯露湛砧杵何愁歌三疊而進酒晒兒童之戴楸
視彼劇飲於河朔真脫火宅與炎洲若乃烏鵲成梁雙
星訂約方平饌括蒼之麟子喬跨緱山之鶴續玄圃之
長吟登舜岡以遐矚授化城之寶囊迓銀州之繡幄綵
女結繒於同心天孫墜梭於瓜閣至其秋光既半廣殿
澄瑩武夷之仙樂騰響天柱之霖霽驟晴枚叟發興于
觀潮周生梯雲于架繩度霓裳之新曲泛滙亭之飛觥

明文海 卷一
瑶壇啼鸞蕭之好牛渚集袁謝之朋又若遵渚來鴻青
霜凝漢佩襲長房之茱萸歌合尹媛之女伴廣詩章于
九井陳餐餌于飈館沙苑之靈禽摩空招提之鵲花爛
漫參軍對客而落帽徵士摘橘而把玩繫矇視之駢集
兮美秋興之孔佳乃形神之瀟洒兮比銀河之浮槎聊
擊節以嘆賞兮酌五色之流霞曰三春之熙明兮縱歡
娛其奚加小乾坤而遨蕩兮樂斗室之盤蝸彼塵緣之
萍寄兮猶逐浪而搏沙徒愴恍而曠恨兮夫焉識吾生
之有涯

聽秋賦 桑悅

大化運行禫續無垠炎帝既斂少昊乃伸是名為秋萬
物返真脫木之葉解草之節川瘦徒瀟々山凋兮孤岳
岳惟為狀之荒涼宜出聲之凄切若乃嚴霜降白露凝
天籠薄陰地吐濕蒸布_落冥之景象假物々而悲鳴蟋蟀
何怨而長夜訴征鴻何興而清晨吟慘莫慘兮風颯落
木之韻清莫清兮雨激芭蕉之音淡日銜山助以懷舊
之笛涼月墮水雜以寄遠之砧足以周公子之朱顏淒
壯士之素襟而况薄宦淹璞中之玉遠賈畫狀頭之金

鄉閔忽縮而近念親故久疎而暗尋寧不連霜華而入
 鬢滴藥汁以經心者乎僕本豪徒慷慨輕生流落江湖
 沉櫻飄萍歲聞茲聲亦怵予情既而嘆曰聲從外來何
 由內驚豈內不足而為外櫻爰主吾敬爰鑰吾扃久而
 吾內澄々吾秋冥々聲從何來摠衣而聽毛骨爽分心
 胸明塵影滅兮夜氣清寂亂思之髦々沉萬慮之營々
 豈為予情之美惡私喜收物之功成是知非秋景之可
 悲分人獨悲傷乎秋景非秋聲之難聽分人自難聽乎
 秋聲伊茲秋之為酷轉賢達而獨恐又歎假名賢之凄

韻增高世之孤憤故宋玉謂皇天平分四時兮竊獨悲

此廩秋潘安仁謂嗟秋日之可悲兮諒無愁而不盡出

茲聲之尤切潛雕肝而琢腎假人文為秋聲不止物之聲也至深至切予方

觀天道之肅殺付悲秋于一晒悲夫天有四德元亨利

貞人有四德仁義禮智秋之為秋在天為利在人為義

君子全德是名不器于焉為文音備五音味備五味混

同天人秋吾一氣鳴吾文之商聲曾內外之足異夫然

後知心源未和伏以憂蒂雖春日載陽花明景麗聞鳥

鳴之嚶々與童冠之歌詠亦足以鬱悒而侘傺也

秋懷賦 有序 屠應峻

陸大夫為儀制郎中積功飭行為 天子所知而宰
臣議階出奉閭臬僕鄙人也撫時即事唱馬賦之于
時秋也因以秋懷命篇其詞曰

何秋氣之疹蠱兮傲素律之淒淒
申鳴鶴使戒露兮萎
修蘭于枯丘叢林旖旎奄以夕勁兮游氛殞葉風揚埃
慄：邑：物錯悞而就罷兮寥落晃朗天高而日微蟬
中寂又續厲兮熠燿的：而宵燔玄鳥沂陰以辭宇兮
雁即陽而南征繫雖：其羣諧兮予因沕兮而懷友生

固秋士之易衰兮感物化之難憑送將歸返故都兮心
淹留而自閔予捐故而偶新兮予怊怊其若履淵不吾
知其奚怨兮竊悲夫今之人蹇余生之諒直兮弱好以
崇方豈惟紉蕙而佩芷兮固茹瓊而沐芳光陸離以周
襲兮中矯厲而慷慨指前脩使先導兮駢騏驥而服飛
黃悼世俗之傾隘兮信多岐而亡羊黨機巧以捷步兮
競詭異而改則予將持頑夙而釋堅兮固蹉：而難入
眩羊腸與九坂兮方世路其猶夷棘刺：于厥心兮誘
穿檻而寤歌勢軋：而並轡兮割白刃而執之瞻岷岷

以蔽目兮選峨：其愉之混淆濁而伐異兮寶偽而汰
真翕然灰謂光于天兮指日月其不燿公華坎其污泥
兮尾閭突而溢山婦鬚而男則咽兮鵬一羽而巨焦明
宜虎翼而虺足兮雞牝晨而喑雄予雖要明月與懸黎
兮吐黯之而宵默鬱領額余增歎兮予揆予之惻固鄰
德而不狝兮信內美其必合車間闕有兩輪兮耕藉之
且焉偶獲予信姱以個儻兮又重之以修能協神人使
揆序兮 帝爰褒之曰功彼登佞而抑良兮陳臬事其以
鼓華采衣之燁兮武躄之于冠弁夫孰命其匪息兮

余竊疾夫衆女之善妬而詠淫嗟驕人信好之兮奄乘
高而數度躬絕命猶弗遠兮澤賈諛而翼怒予謂棟且
隆之兮美撫穢而得路伊霖之效尤兮奚婪：其求索
予將望閭闔撫神龍兮虎豹耽：其矜突銳鎗何那以
抱日兮雷砰之而存外夫括后豈弗寤兮熟九死其奚
語彼榮春之蹇之兮迅隱軫而北南懷遭迴猶未悔兮
余觀夫裕之與安豈縷數其不可殫兮離多難而浩漢
予欣之其遠逝兮矯九仞而降觀朝策馬于燕都兮夕
次于魯之郊揖叔旦而質迓衡兮邈吐哺之上休馳汶

陽且拜節兮祗神宮而淹留庶穆之其猶儼兮或見聖
 而永由存靈光而慨渠之兮喟佯舞胡以逾長太息而
 升降兮迫南征之悠之歷豐沛而壯漢兮陟歌風之故
 臺唯從諫君轉圜兮尊后皇其弼諧閔作忠而賈怨兮
 南浮江而吊鳴夷彼瓦甌鳴以為惡兮矧黃鐘之若雷
 躋會稽之隆崇兮就文命而歷茲既玄之莫予聞兮遥
 緘辭而徘徊躋武夷其隱天兮嶰崎嶇乎獨處廓騁四
 望以忘憂兮遠懷余之連伊仙鯉之忽恍兮具靈椿為
 予占之帝赫之卑而諒衷兮命掌夢使報嘉曰懋哉穀

以自持兮孰險巖而弗崩苟執德之無爽兮般修名之
 煬煬余服訓而絕俗兮沾危而不能舍也子蘊玉以自
 瑜兮庶求美而該輔也亂曰浮雲決鬱秋日暄兮鳳翔
 于淵鮑魚御兮余盍與百草同死兮胡駕駘以方驥兮
 余寧鑊鄒之刑以棄兮胡同鉞刀在室兮心結悃而莫
 從予兮荃易晰奚終懼兮

秋賦 盧柟

楚襄王與宋玉游於雲夢之臺舍蘭臺之館浮漢沔略
 江潭射揚林眺蒙山游旌璇壇法象緯嬋輝陰三湘氣

彌七澤倚蘭幽以承珮芳桂遠而延輶輦瑤華之纈紛
翔翠羽之翩翻於時涼月懸珪白露凝輝寒風鳴條微
霜沾衣宵霧霽分遠山峯暮烟橫分長河滔王廼抽續
榆翰以命宋玉曰疇昔雲夢之遊子大夫為寡人賦高
唐未及蘭臺之駕子大夫為寡人賦雄風方今日馳虞
淵鷓鴣先鳴汗漫漫淒泱無以攄情子大夫未有說乎願
為寡人賦之宋玉於是遂廵改容釋位離次跪而稱賦
曰臣聞天地無闕乾坤斥衍剛柔沓分時序交禪春華
發榮秋寔振晏其為體也博確鴻固專翕廉凝收斂像

類參伍元英乾健不息躬成因極上脩天道下全王德秋之時義大
矣哉夫其朱明既退招拒斯昂蓐收彌益少昊弛裝闢白門肅
金方韜尖颯激清商焦溪涸而不流沸潭潛而弗揚爾其為氣也
氤氳膠戾淠翻頽墮翳翳綸菌制手蹠礪霈翕二忽三撞摑礧礧
若乃觸土囊汗污之口噉大木園枿之竅燦厲叱嗚迴戲突
嘯眩勃碣駭躡蹶攢號倏拂改節和喁稍嘈崒兮若促弦柱
而擣箏箏迤兮若逸擗而鳴埴翼綑緼瓜園橫酸鬱陶爾其為容
也澹淡晦暘皓暘曠擘斤坎澁漫廓落鴻敞荒喬凌厲上
下窳窳黠雷轉薄游氛軼蕩紛態橫出蘊懷悵惘蕭瑟寂

寥惘恨惜悽孤臣孽子遷客棄婦莫不感心傷氣流涕增
歎爾其童濯焮嶽分披品盡離案衍宣回巖壑泐岍岍
羣山蕭索劉厲弥平寂寥空哪於是清玄海落長江抑
芻澤熒扶桑潛滌淳涵蜜鱗滿漾霜凝龍窟霰落蠹房
鮫人泣珠海重滅光陽侯馮夷天吳個像魂銷魄揚率
恚愴况若乃芟糜森蔚泐寥林墮隳葩搭探伐萌沙櫟繫
精于松檜之林獵芳於桂椒之圃被杜若委庭蘭蒙江
薤夷射干翠葉紫莖朱萼秀華隨風振綺應日傾葩於
是雁游江浦雀流海濱燕歸玄穴蟬寂窮林蟋蟀宵征

鷓鴣夜吟陰凝氣潰萬物凋瘵倘有戲身後時削跡未
速披零電衝凍靄拆豉裂吻而死者不可稱計若夫志
士坎壈中人薄寒蹇產淹留感時增嘆惻愷連節忿瞽
溷恩僚慄於邑絰結弗變此夫閉藏萬有樽節造化忌
盛夏滿唯秋之謝王廼乘戎輅載素旂服白玉駟雲螭
居明堂命將帥誅暴慢明好惡嚴斷刑修法制繕囹圄
決訟獄感氣順化應時承治所以張弛乎仁義之道彌
縫乎禮樂之文於是東漸西被恩殫無垠修臂鑿齒之
邦結胸驪頭之民蒙鳳皇箱麒麟繫猛獸籠文禽薦上

國充珍肆於昭幸皇萬之歲

九日賦 俞允文

肇九旻之令節蕭凄辰之始霜悴百卉於綠林斂萬寶
 於白藏于時律中無射日躔在房山椒凝丹禽華吐黃
 感靈鍾于豐嶺收帝籍于神倉惟日月之顯應數遘九
 而皆陽懿嘉名之宜久故高會而薦觴或助術于彭祖
 或弭禍于長房或羞實以效新或滄服以致康若乃駕
 言龍山于茲颺館發戲臺馬之楚臺弋翔鴻于沙苑咸
 宴凱而稱壽悉釣奇而摘挾至如紫塞草白青山氣高

雲物無擾上屬澄霄劬竿精堅弓勁鷹豪狐兔鮮肥人
 馬並驕攷千緡之赤羽勒萬騎之黑貂或翔畋于廣虛
 之野或校獵於莽蒼之郊彌罔罽而掩格被川谷而橫
 稍莫不致奇獲以耀武聊割鮮而騁豪及夫蘭闈少婦
 榆關疲客結離思之幽遐念佳期之永隔睇來雁而增
 歎學裁鴛而掩泣寒聲壯兮悽心脾夜被空兮月入室
 徒有地分限南北欲授服兮無由得愴無由兮思彌深
 鍼縷列跡兮抽余心之之抽兮魂四溢寃四溢兮夢難
 集雖有刀尺兮忘疇昔或有放臣去國感平分兮測景

志士思名薄迅商而孤騫慘憺兮述遭淹留兮蹇連繁
陰積兮鬱素川雲蒼々兮蔽窮天况踟躕而延佇眇去
楚而辭燕于是僕本畸人棲遲丘樊于烏逍遙聊以盤
桓驚四序之改節悲倏忽之徂年想前蹤之攸邁覽窮達之
異源超遐邇以暢志妙衆志而為言憂歡軋其相承兮
心與蹟猶未泯世固智寡而艱多兮孰云喻其萌祗之
所先齊萬族乃無累兮求周賈之冥荃庶憑化以無吝
兮還吾反乎自然

樂田賦孫宜

當秋期之既迨適夏緒之聿征晨颺作而漸厲時雨降
而已盈罷輓轡於渚際弛桔槔於漢陰田畷自喜其至
止農夫告予于西成整柴車而祗候命稚僕以相迎矜
畎疇之多沃幸醴醕之惟馨迺晨興而風戒爰星駟而
露駛解孤舟以迅發挈良朋以偕啟渡淼莽之平湖經
澄鮮之曲汜採菱荷以娛適叩舷舳以停弛望依微之
村落指迢遞之墟里舸沿岸以前達帆順風而遙艤載
行阡陌遂訊畛畛關繩樞之闐靜坐茂樹之扶疎覽桑
榆之被畝盼禾稼之滿疇欣螟螽之胥避慶螭蝗於畢

逋信實堅而實好良我翼而我與徵魯年之大有驗幽
風之匪誣於是督豎腰鑰課童荷笠領婦子以咸勤倩
儻僑而不集刈黃雲之彌漫走綠蕪之絡繹規場於垓
曠屏雞豚於隅隙戒滯穗而勿遺趁涼晨而維亟既則
引觴肆酌命酌高傳淹留町曲酌酌畦偏感成都之多
植慰杜曲之有田殊雒陽之貧薄類周邦之十千醉何
憂於得秫飽豈患於具饘時或取履時曠策膝擁乘
輕颺之塏暢躡霽日之輝拱疇老農以共談調點佃以
相恐溷頑收而詭浪禘拾粟而輟嗔是饁殮而靡嫌甌宜飲而隨

捧躬芟割以旨甘假肝膈以相踵迺有隣叟暨彼里翁挈樽相過饋
榼來從排几席於梁茨息杖屨于南東話桑麻之共裕詢今昔之幾
枝倉箱之多寡述絲稅之從容緬傾壺而匪厭聊續壺而再同時乎逝暮沉
冥闌暉側雲黯變而宵馳宿晶熒而夕列歸巢林之羣
鳥揚欄戶之片月萃畚師而致送整角巾而言列尋向
軻之繫維泛前舟之超越景森颯而堪娛興流連而未
歇嗟予生之寡分際斯世之多艱始修辭於楚激中投
藝于燕閔將干霄而鳳舉竟偃隔而龍蟠從遐栖之未
計矢耕鑿之餘閒惟俯仰之無累斯嘯傲之可安既以

身為農父又何忍乎稼觀頤斗升之儉收藉昊蒼之恒
 稔願霖霖之歲澍冀淫霖之時拯渠潰潤而可溉陂浩
 蕩而堪引澤我黍之秀實充乃陳之庾廩念鄙人之寡
 入俾竟保乎箕穎倘接禩而屢登約常游而來省

(Faint bleed-through text from the reverse side of the page)

明文海卷八

賦辛

時令三

感秋賦 楊銜

餘姚 黃宗羲 編輯

昔潘安仁賦秋思自謂寓直騎省如池魚籠鳥有江
 湖之思蓋抱空輿而抒懷焉者也余擯跡田野放浪
 山水其覽於秋者較安仁為適矣夫曠寂之境閑則
 來親變化之機靜乃入悟王子安云仰視俯察覺宇

宙之無窮與盡悲來識盈虛之有數古今之致感一也因作賦焉其辭曰

伊一氣之屈伸兮代謝其如轉轂惟大火之西流兮寶金帝之司律化功成而退歲兮還天地之靜篤紛萬象其無垠兮凜一秋以自肅綦澄徹而峭露兮見山水之神骨覩離披而委脫兮悟分氣之已足彼春夏之隆隆兮諒此中之所蓄惟草木之無知兮靡怨彫而羨榮苟未免夫有情兮無大化以表怍齊闐闐於一橐兮而胡茂悴之不倫蟬何伏而蜚振兮梧何催而菊紛玄鳥孰

驅而逝兮隼孰激而彌噴曰運序之蕭殺兮而又何愛乎松筠若乃楚臺悲風漢宮淒月銷宋玉之魂傷班姬之魄淪落英而容枯羈華省而頭白雲飛兮汾河帝子望兮悲歌野茫兮分荒草孤臣去國兮哀多固氣機之蕭瑟易感將物性之遷流奈何惟達人之觀化兮稔倚伏而內昭慨愚情之中沸兮沮搖落而愈切謂龜靈而鳩拙兮鼠果而特擇謂巧之可乞兮羽化之可徵發華亭之永嘆兮昧亢龍之有悔洒牛山之癡淚兮忘爽鳩之遺巢是猶艷朱華之眩爛兮意回姿于寒條耽惠

風之和暢兮期反吹乎涼颼靜觀夫盈虛之有數兮彼
惡知夫計拙而心勞念天地之不能違時兮對蕭疎而
中澤諦勾萌與胎息兮雖刊剝乎何惻甘寂寞而無悔
兮守吾玄以自默聊優游以卒歲兮哉良悔于前哲

喜秋賦 張燮

自自宋玉秋悲潘安仁因之為秩興之賦古今慕効沿
作蕭索情語余生長南天風景頓異授衣之月百草
未腓搖落變衰殆屬早計也乃朱明苦暑忽逢流火
之辰遂使神明開滌毛骨飄舉坐清涼之世界叶遠

暢之颼流夫固賢愚老少所共沐也玄度之風月都
雅悅之蒲柳幸存伸楮含毫起而賦之非敢抵牾
前人聊復申馮勝序云耳

惟四序之禪代迭萬彙而敷清涼嗣燠兮物遷離與兌
兮候更爾其少昊執矩蓐收揚靈白蔵屆節黃氣司禎
雲翹舞兮樂奏土鼓籥兮寒迎天謂朗而蓋高氣因肅
而秉成於是祝融驟解赫曦漸歇湯泉沸兮波不揚火
雲馳兮薪初輟則有商颼生野曠照映闌葉泣之而蒙
露宇湛之而曳月爽氣浸乎槩尊涼綠被乎絺葛苟無

惟其鬱蒸曾何嫌乎寥泝方夫賓鴻曉出鳴蟬晝圍蟋蟀晚嘯熠燿宵飛澄響者咸叩爭妍者畢綴籟感時而共悅情在景以忘機又如芙蓉啟秀脉望莫芳猗蘭颺翠叢菊抽黃詎彫榮以頽潤尚含茲而未央趣邈之逾幽神王之微昌若乃廻峯複岫平原長坂林容未彫嵐光徐偃暑既密而還疎寒似近而反遠挾杖頭兮夷猶編屐齒兮清婉又如蒼葭遠浦紅蓼澄溪微波縹緲回沫上堤沙收潦而浴鷗潮因風乎應鷄或開襟兮叩舷或濯足兮扶藜別有華堂蔽日高閣干雲水晶之簾半

捲翡翠之幔平分杯指顧兔之腹劍射斗牛之文邀公子兮歌葛巾撫佳人兮攀羅裾絲竹并其雜奏簪珥墜其繽紛製荷綠而未殘摹榴丹而尚焚聞調鶴之警唳送別燕之離羣至夫山澤畸人藻雅快士炎威甫解清冷爰始披長篁之層陰揆扶桑之勝晷霜徹思遠之冰霧霽公超之里咸莫不條暢間身霏微遠旨領畧烟霞宕跌文史露作扇兮舞婆娑鷄裁衣兮懸徒倚梳不濁而澄匪清噐有道而神無累蓋秋之始至也若出網國而窺霄甍之野掉汚泥而試漭沆之淵又若田畯苦旱

徐滂沈而濡首旅人苦瘁乍瀟洒以息肩熱中蠲其厝
火汗背息其湧泉比秋之將老也若御風既逝而終淹
造冰已就而尚釋又若繁英漸脫蕤嵬墜而猶連嬌歌
既轉韻欲終而堪摘既流眇乎澄鮮乃遶神乎空碧秋
色既滿秋聲亦勻布在金之盛德流大火於高旻彼夫
射恢台而變金素嗣凜凜而得陽春雖斗柄東西之異
指乃風景和適之維均借輕颺而冒帷掃捐葉以激茵
五色邵平之瓜千里張翰之尊人意倍舒物態皆親若
夫樹槐樹柘之殊宜祭鳥祭獸之岐族機杼之織暫催

砧杵之聲駢連具足點綴勝場鼓吹清福疑婦嬾之不
驚詎士哀之可錄于是倒如意命輕軸形度以蘿車名
以麴原夫白鶴上山綵囊拭目登樓庾公觀濤枚叔銀
河乘槎龍山墜幅羗異代之同歡似並時而相逐標秋
事于中區御日行之西陸

秋暑賦

錢府

乃者朔日立秋月維為七金不畏火三伏已畢人思涼
風因聞蟋蟀田禾幾希乎稿苑園柳相將乎枯卒嗟細
流之涸、傷督井之沕、黃塵蔽天兮鳥墜高枝火雲

曳地兮兔迷三窟奔走羣望者徒請靈祠之泉干棟民
社者莫救閭閻之疾蓋田圻水乾車竭人疲黃冠十輩
紫壇八境雖籲天而舞迎龍而祀斃青蛇于石甕書朱
鳥於白旂靈符焚而不驗木郎誦而啟微秋陽皜皜愈
熾炎風昏々橫吹夜月炯燦蒼兔安在繁星陸離牛女
莫知蚊薨々而雷動螢輝々而光移禁酒沽而潛釀斷
屠宰而公欺徒填吏卒之腹何閔霄禱之辭已矣乎天
不悔禍吏競逞威歲不恒稔民漸阻飢赭鞭載道已見
膺之無膚繡斧當路誰念之民無衣而身居涼館更圖

式廓其門堂因多暘死尚且增高其園扉是欲求飽而
自食其尾思肉而自殘其肌者矣嗚呼餘殃未解殘暑
尚酷寔上天之降災乃斯民之塗毒豈有白藏屆序商
飈轉而愈熱夷則改律涼颼動而猶浴幸是不修明堂
之禮左个莫御倘或追復迎秋之典少昊為屬哉意者世
界缺陷民多貪姪鷹攫虎視人面獸心蠹役依城而縱
肆炎官當道而嚎吟妖言衰說令色孔壬貪饕養在列鳩
鴉在林為夷為狄為獸為禽非此金翅可以竭阿耨之
水修羅可以障日月之明者乎又有山人墨客目不識

丁出必駕高車交必盡顯者行必假薦書東西誓謁彼
此吹噓筵非窮水陸客不集簪裾非徒驚動乎四隣寔
則炫燿乎通衢由此可以避堅攻瑕由此可以批亢擣
虛由此可以焚林羅鳥由此可以竭澤取魚律以奸民
之法所在必至誅戮究至感應之理城市寧不丘墟者
乎說者徒咎夫使者四出極人縱恣絕地脉以求礦竭
山澤而求器搜索遠夷之環橫鼓空山之鞞民心嗷々
一擱一痕衆志喁々一哭一淚然而綱紀不弛正宜在
位未至泮渙尚堪飾治惟僉人繆托祖述偽學高談仁

義陰奪王者之權陽伸正人之氣尊人而寔自尊媚人
而寔自媚期將簧鼓一時思欲籠罩一世而不知其假
仁以濟其貪仗勢以逞其忤者也所以帝赫斯怒秋行
夏令金流不止火恒為政農欲投環民咸請命赤地千
里焦勞萬姓白雲凝而不飛素娥歲而無鏡捲河
水兮感天吳截鳳翅兮崇梟獍啜秋荼而口螫履
熟沙而足躓上千天地之和下拂士民之性欲祈歲
候之調尚須燮理之功若驅屬民之虐是在救時
之聖

秋聲賦錢府

四時行焉天載無極九夏云徂金風序更俄蕭々而瑟
瑟忽隱々而怳々慘兮慄兮衆竅或沸嘈兮呖兮萬籟
齊鳴并吹梧兮厯落撼庭竹兮淒清透衣襟兮泚瀝拂
絲柱兮琮琤嚶啖晴空豈惟候雁睨晚疎柳全異鷓鴣
玉露瀼々促織應候入我床下卷戰穴閉絡緯傲懶振
羽鼓脰良宵明月掉簾空窺蝓螿迎秋長吟白晝蟋蟀
飲泥悲斯陰實於斯時也征戍遼陽衰草白揚卧一甌
脫能無悲傷逆旅江湖家鄉路長酒醒不睡能不淒涼

鰥居寂處祇剩半牀夢回轉展裂肝斷腸棄妻怨妾共
居一房燈暗夜闌墮淚千行秋之為敵何其悲也敵之
感人何其切也忠臣飲水孝子泣血志士刳心諛夫結
舌雖華堂公子亦驚簷馬悲嘶縱栖隱者當咏流泉鳴
咽况逢桂雨之蕭々更挹稻風之揭々思往事以縈懷
抱孤憤而莫雪忽入耳而牽情不當隨食而噎乎至若
舊歷將半新穀既升或登高而望遠思涕泗之無從小
寺齋中黃葉一僧樵樓夜漏黃卷孤燈乍點々而滴々
又逢々而蓼々誰人無心四顧而生佗條誰人無情反

側而妨寢興嗚呼秋既有聲春豈無之梁間燕子花裡
蜂兒先春而鳴者百舌抵夏而啼者黃鸝笙歌絃管笑
語遊嬉無人不悅無聲可悲惟尊收臨御殿屆秋而索
然太史調律客審音而傷感嗟吾生之向老白髮蒙
嘆凜秋之將半夕陽掩々起居隨順掃堂皇而孤坐古
今襟陳擁載籍以流覽匪懸梁而刺股偕卧薪而嘗胆
疇追踪於屈宋爰綴輯於鉛槧雖標目於秋聲附先達
則豈敢

悲秋雨賦

孟思

伊商飈之逋爽兮淒繁暈而驚秋
倏慘雲之劣起兮薄長空以鬱浮
日掩曖其匿景兮火流耀之光幽
林菸芭以收蔭山嶺屹而斂愁爾乃
庭臯悲鳴西風隕籜烏鵲晚投長烟
暮合氣淅々以寂寥景翳々而蕭索
其始珠綴林繁絃系天芙蓉跳玉
决明媚錢助長渠以汜派映遠岫而
為烟溜入耳而聲亂雲運曉而態遷
爾其侵夜含潤崇朝其涼槭慘萎紅
薜荔郁芳竹淒風而驚韻菊含露而
帶香草木以之變衰人情因而感傷若
乃紫閣彤闈玉堂朱闈龍篆銷沉帳
綃沓疊有醴興蘭管絃

敲咽聽簷鈴以譜詞俯檻流而書葉蓋亦耽碧雲之洵
美而不知愁鬱之煩結也亦有幽窓暗室別館離亭永
卷暮寂長門晝扃金井生落銀床葉封承恩匪貌誰適
為容悵別夢之暗斷香芳魂之自驚苦無聊於風幌亦
何堪於雨敲至蒼野平疇碩苗佳實穿安滄池泪流浙瀝禾
耳糜爛蔓草狼籍悼終歲之胼胝杳西成之莫期養豎
憂而眷亂翁婦對而涕洟爾乃燕塞防秋秦關戍卒慘
澹邊敲啾咋鬼哭萬里淹羈終宵竄獨寒薄征衣心碎
鄉曲若序名引英俠吏牽巨商陸馳華轂水泛艫航雲

橫泰山雨暗瀟湘壁燈暗兮秋夜長旅館闕兮筦蕭涼
瞬將寐兮旅魂結鄉夢破兮心慘傷恒點滴于空階時
衝襲於敗窓或墮涕而歌枕亦惆悵而未央悲兮增歎
久殘麗姝新寡姜姬冷恨幽房漏永重幃絡緯啼鳴墻
垣暴頰腸一夕而九迴耿無語而淚滴斯嬰世之至慘
亦天下之極悲者也爾延孤忠遠投謫宦離家放臣楚
澤遷客長沙庾愁何既江恨無涯路迢迢而思竭愁一
宵而鬢華秋雨兮秋風序悲兮物終有愁兮必苦有怨
兮必盈梧桐兮搖落近芭蕉兮亂鳴非至人之無愁不

能對此而忘情

愁陰賦 張寧

閉塞歲徂和暢時至庶物迎熙萬象開霽進陽退陰向
明背晦暉：乎其未冉：乎其繼郁：乎其華燦：乎
其麗胡為我滯鬱雲蒸杳冥霧漫縹漠煙霏縈結氛亂
鴻濛如未分清濁如未判日月如未旋寒燠如未變黎
黃如晝之將夕味爽若夜之始旦無乃元英返旆震御
停車屏翳歛施飛廉倦趨豐隆布令阿香轟驅將然否
也是耶非歟爾其峯巒掩靄波澗昏沉樓臺寂闕林木

蕭森山甍散麓湖舫維潯餘春惜賦人日追吟企浴沂
之遐軌美脩楔之芳音悵良辰之易邁悟宿約之難任
時則林泉逸侶詩酒幽尋嗟今吊古莫不鬱：無聊之
心花萎柳瘠燕懶鶯嬌翠斂潤掩寶篆寒銷青燈短焰
素帳垂綃蘋綠濱而堪采桃須晴而未天望將歸而益
久阻吉好而增遙傷白日之無光悲青春之寥：時則
空閨淑配遠閣嬌媿居幽閨節莫不有依：觸景之憂
乃若孤舟江海匹馬關山苗時倚棹待旭迷駭白雲迷
望紅日違瞻仰帝閭於薊北眄親舍於江南目惜：

而不見涕潛之而垂沾口忘言而心悟魂欲逝而形淹
亦有災祥切已調燮相兼農功既及國用方嚴冷不宜
秋濕不便蠶念西郊之不雨憫東海之無益省蒙昧之
所自徵休咎之攸占此則孤臣出子卿士師尹之忠愛
非可比登臨燕私之遊眺也老病衰遲歲序過疾壤缶
報訶千金一日慨人已之同情懷大小之欣戚蹇予心
之靡他羗遠近而如一永惟海宇之清寧聊以畢志於

山澤

秋霖賦唐俞

羲和失馭萍翳旒空黑猪渡河黯澹絕繯補後之漏天
仍破奠餘之洪潦重逢爾其列缺揮鞭帝弓抗弦鷓明
蹲屋神蛟遊川殷鼓則驚殘石燕閃戶則血染農廛于
時鎔衣上垣斜子產竈橋上行船樓千垂釣層濤灑浙
崩沙礫礫莫不送目心瞿憂年表悼借如穆王西邁駐
蹕重臺風雨三月坐卧蒿萊皇馬噴沙寶鏡莓苔赤鳥
之美酒欲盡威姬之清歌可哀佇層城以尚遙眇青鳥
而未來玉笛吹殘叫雲不開及夫三閭去楚憔悴江干
枉渚十載玉筍九年猿慘淡而啼月鬼窈窕以嘯烟思

公子兮徒離憂坐幽篁兮不見天窮陰匝地荷裳自憐
又若伏波南征屯軍滇上飛鳶站水馬丁嘯塢戍士鏃
蝨焚人飢坐藤甲濕而將穿銅柱迨其欲腐又如蜀國
儒生有才未祿舟居非水陸處非屋貫酒雲中高歌獨
漉騎崩浪於沙嘴濺洪波於烏築詛靈不靈把書痛哭
別有東海龍孽娶婦涇陽烟震遭貶南山牧羊浼及柳
生傳書扣橘錢塘眦裂書飛霹靂陰雨兼旬海水群立
辰發靈虛午戰水國以至石龜眼赤老婦驚頻江漢之
子遺顛尾繇拳之人物魚身目泣煙而誰竈耳厭滴而

長鳴况乃天害桀威灾稔不良况彼爨星安覓稻梁鷄
衣訴風兮糜人為根纍之菜色兮疾藜紫雞犬無散兮烟
火死嗟乎哉天心仁愛兮玉吾君以令圖抱杞憂而長
嘆兮吁民無辜湍轉浪動滙為文瀾匪丹青而善繪宜
慨然金門之猷

西成賦

粵神禹之敷治兮佃原隰之酌之暨后稷之率育兮時
播植而耕耘俾甫田之廣袤兮農并力以效勤既深耕
而易耨兮美茂生之欣之既豐以腴沃兮天又重之以

嘉澤方亟活而厭飲兮繼滋之以霖霖覃優渥而霑足
兮亦發秀而穎粟零白露之為霜兮告西成於平秩實
粟之其堅好兮笑蠶珠之綴團穗委之其修碩兮宛蛟
蛇之結蟠比穹隆其倚疇兮密茨屋之覆完黃冉之其
溢目兮天同雲之漫之農耨告其比屋兮紛嘉穀之在
地將圃場之曰築兮亦礪修其銍艾約百室之齊開兮
率同功而獲刈彼伯主之既出兮爰種以之與隨就斂
穡而執秉兮螳潰垤之參差穫粒之其有盈兮積如櫛
之交比階囂之其會選分數萬梯之累之乃求萬斯箱兮

牛載重以億蹇乃求千斯倉兮人舉勤而嗟倦紛粒米之糜暇
畜方盛在田之餘羨伊寡婦之承筐兮往鷺巡而鳩斂私家既盈公
家斯賦大家牛車小家擔負繼屬組連充塞周路崇之公廩累積曰
富我歲既豐我食既厭彼公之稅取之太蕪役車既休子婦皆恬琴瑟
擊鼓賽神有嚴自天降康匪民力也於皇帝德天陰隲也田塗多稼
太倉侈積也國用殷用帝心怡懌也既吉既蠲以往蒸嘗為酒為食
苾之芬芳聖祖神宗來格洋洋之錫爾百福萬壽無疆園丘既
掃粟牲斯烹粢盛醑醴將享蒸之於皇上帝居歆明之
錫爾遐福萬方以貞烹狗東房以御胡考春酒既介耄耆

黃耆庶僚百工三台元老邦家之光列鼎而飽重譯還
至越裳僂耳雕題編紒啞：瘠：彼飡而精而飲而美
大小稽首騰懼以喜王之爪牙曰唯六軍行者橐囊居
者餘饋食充力昌鬪虢虎賁甲冑于邁叢具如雲於豐
年之敷錫兮斯邦露之振嗟我田之既域兮維農夫之
慶農曰匪我之猷兮 帝德之威帝謂朕匪德兮皇天
之命辭曰天無降祥兮麒麟鳳凰錫有用兮豐年穰：
地無產奇兮琅玕琳球育有用兮豐年九州天地無錫
異兮甘泉氛氣育有用兮豐年繼：

瑞雪賦有序 商輅

歲壬午三五前始雨雪亦其常候特以嚴寒亢晴迺
始肅殺於三陽倘陰凝尚未既乎昔人侔色揣稱非
不盡態極妍願箕斗不殊而揭挹異視曩或以處優
志協而感慨不與焉因為綴之已臆云辭曰

玄陰之辰廣漠既烈太空融寒膏澤上結於是太昊之
辟下起伏炎之溫拂釋長宇迺使風伯拂慧霍師密製
散玉闕之瑤華布瓊宮之浩砌和氏家登絕肪盈眸院
署紛披豐蔀翔浮光昭錫乎朱櫳照臨下乎檻樓絕踪

曠域密運虛投故實榭朝峙銀茨旦網名都罄輝窮谷
聲哀爰用無心平心廣造均造太昊迺俯頤而詢吾
用子需弱之積就下之疑明昭有錫率土維均彼太和
當陽而春叢有靈廣冒羣覆亦或稱云維茲六出之英
唯命而付泛若無情起况爰居會意羣生故曰排閭闔
兮綠龍攬媚君王兮御九重彼君王兮被貂貉之輕溫
漱蘭英之芳潤椒房獸焰體含餘燠俯見瑤英永潔闌
映墀輝丹城壁色金屋瓊飛於是志洒神淫懸旌漫羈
危榭升兮綺疏闌蓋田盛兮千里壁遙獻明兮琪樹光

君王樂兮壽無疆又曰阻積雪兮被楸梓怡王孫兮酌
芳醴彼王孫兮襲紕縠之曼煖便歸豆之崇居樂事填
腔飢寒不瘡仰排空兮飛洒俯地輿兮雲霓於是四望
皎然逸興遄飛流霞薦兮簫管陳簪珥集兮綺羅輕歌
白雪兮凌沍寒歡可極兮難為情爾迺邊徼絕塞征戍
連營隨風颯厲蔽幕降烽旌旗凍而夜樹嚴更戒而宵
征霰花縈而皆裂寒氣湧而推唇馬嘯兮嘶風車漫
漫兮垂輪傷孤路兮不可御酌桂湄兮難為因若乃孤
村荒落被收綠郊家如疊壘室似傾巢餐瓊液兮餒不

辟承金甌兮體復撓雁哀鳴兮安歸愁百室之教之故
 曰景則是兮心則非心不樂兮孰者多姿昊天悠之兮
 傳慮傳樂恐無節分綴以悲怡

(Faint bleed-through text from the reverse side of the page)



